



## MANIFESTO DÍA DO PEÓN 2012

### Canto para bailar o peón

Espile, rapaz, chegou o tempo:  
do seu adurmiño  
esperta o brinquedo.

Corre, rapaza, vai ao faiado  
lonxe quedou  
o San Amaro.

Espreguiza, rapaz, toca xogar  
a túa habelencia  
ven amosar.

Bule, rapaza, o xogo é sinxelo  
na cunca da man  
acubilla o enredo.

Axiña, rapaz, envolve o peón  
viste a buxaina  
da capa ao ferrón.

Vamos, rapaza, arrólalle a corda  
ponlle a baraza  
envolve a piola.

Adiante, rapaz, xa é o tempo  
ergue esa brazo  
moi preto do ceo.

Sen presa, rapaza, contén o alento  
baila ese trompo  
lánzao con tento.

Imos, rapaz, báilao a xeito  
unha volta tras outra  
que xire un bo treito.

Dálle, rapaza, xa é San Martiño  
o teu peón  
lanza ao camiño!